

Aso Tatalo o le Lalolagi 2020



Zimbabwe



“Inā tu ia i luga, ave ia lou moega, ma ia e savali”

Ioane 5:8

FAUTUAGA MO LE FA'ATINOGA O LE SAUNIGA:

****FA'AMOLEMOLE O PESE UMA O LENEI SAUNIGA O LE A TAOTO ATU I TA'ITA'I MO LE FILIFILIA O PESE E TALAFEAGAI.**

Teuga:

1. Ia saunia se laulau e ufi i ni 'ie e lanu meamata, lanu samasama, lanu mumu, lanu uliuli ma le lanu pa'epa'e (Lanu o le fu'a a Zimbabwe). Ia fa'ataatia nei 'ie mai le pito i tua i luga o le laulau, ia pā'ia le pito i lalo i luma o le laulau (Fa'ailoga o le loto gatasitasi).

2. Tu'u i luga o le laulau nisi o ata po ni mea e fa'ataata ia Zimbabwe ma ona tagatānu'u, e pei o:

- se fu'a a Zimbabwe
- o se fa'afanua o Zimbabwe
- o ni mea fai fa'a'ailo o loo fa'aaogaina e Zimbabwe
- o ni mea taulima
- o ni mea 'ai fa'a Zimbabwe

3. A maua le fugalaau a Zimbabwe o le 'flame lily', ia tu'u i luga o le laulau fa'amanatuga. A le maua, fa'aaoga se isi fugalaau e tai foliga tutusa ma le flame lily.



4. O teuga mo le 'au fai lotu, e fautuaina teuga fa'a Zimbabwe

5. O teuga mo tama'ita'i to'atolu i le taimi o le ta'utinoga, e tofua lava i latou ma lanu e ao ona fa'aaogaina:

Tama'ita'i #1: lanu mumu

Tama'ita'i #2: lanu pa'epa'e

Tama'ita'i #3: lanu samasama

6. O teuga mo le 'au tatalo ma tagata faitau, e fautuaina teuga e tataua ma onomea mo tofiga eseese.

PESE - SOLO MAI I TOTONU:

UPU FA'AFEILOA'I

Ta'ita'i #1:

O matou o tinā o le Komiti o le Aso Tatalo o le Lalolagi mai le atunuu o Zimbabwe. Matou te valaauina outou uma mo lenei sauniga. O lenei sauniga mo le Aso Tatalo ole Lalolagi o loo faia e le tele o lotu Kerisiano, o iunivesitē, o fa'apotopotoga, fa'atasi ma 'aoga i totonu o Zimbabwe.

O le uiga o Zimbabwe, o le "fale o ma'a." Matou te fia fa'afeiloa'i atu i le gagana o tagata o Shona, *Kwazi-wai!* (kwuz-why), ma le gagana o tagata mai Ndebe, *Salibonani!* (sah-li-bo-nah-nee). A'o le gagana fa'aperetania, tatou te fa'apea atu, "hello." Seia o tatou fa'afeiloa'i atu o le tasi i le tasi i gagana e pei ona fa'ailoa atu.

PESE.....

O LE TATALO O VIIGA MA LE FA'ANE'ETAGA I LE ATUA

Ta'ita'i #1: Le Atua o le filemu ma le sa'olotoga, ua matou lagona le iai o lau Afio i le mea nei.

Ta'ita'i #2: Matou te viia Oe ona o lou alofa, o lou alofa e silisili lava lea.

Ta'ita'i #3: Matou te viia Oe nei seia o'o i le fa'avavau.

Fa'apotopotoga: E ofoofogia Oe le Atua.

Ta'ita'i #1: Le Atua Foafoa, matou te viia Oe ona o le tamaoaiga fa'alenatura ua e valaauina i matou ia matou tausia, e pei o laau totō i fa'atoaga, o minerale, o meaola tetele, o vaitafe, o afu, ma le vaomatua o Zimbabwe.

Fa'apotopotoga: O le Atua mamalu lau Afio.

Ta'ita'i #2: Iesu e, matou te viia Oe, mo le meaalofa o le fa'aaloalo, o le va feavata'i ma le alofa fa'aalia o le tasi i le tasi, aemaise o uiga tausaaafia o tagata galulue o Zimbabwe.

Fa'apotopotoga: O le Atua Oe o le ola.

Ta'ita'i #3: Agaga Paia e, viia Oe ona ua mafai ona fa'atasia i matou i Zimbabwe ma le lalolagi atoa e tapua'i atu i lau Afio.

Fa'apotopotoga: O le Agaga fa'amaoni o lau Afio na te fa'atasia i matou uma e ala i a matou talosaga ma galuega e fa'atino.

PESE.....

TATALO O LE FA'ATOESEGA

Ta'ita'i #2: Le Atua alofa e, ua matou o atu i Ou luma o se atunuu ua mo'omia ni suiga.

Ta'ita'i #3: Ua matou agasala i Ou luma. Ua fa'apea fo'i ona matou agasala o le tasi i le tasi.

Ta'ita'i #1: Ua matou le usita'i i Lau Afio ma matou faia fo'i o nisi o uiga e le tatau ona matou faia.

Fa'apotopotoga: Ua matou ta'utino atu o matou leaga, matou te ole atu ia foa'i mai le lototele e mafai ai ona matou faia ni suiga. Fa'amagalo i matou, e ala i le alofa tunoa o Lau afio, le Atua e, fa'afofoga mai i la matou tatalo.

Ta'ita'i #2: Ua matou molimauina tina ma fanau o loo ola i se olaga le tagolima, o se olaga sauāina, aemaise o se olaga ua galala i le fia aai ma le fia inu.

Fa'apotopotoga: Foa'i mai ia te i matou le agaga alofa e fesoasoani atu ai i e ua puapuagatia.

Ta'ita'i #1: E matitiva o matou olaga i le agaalofo ma le loto fesoasoani. Ua le mafai ona matou alolofa atu ma taumafai e toe fai se fesootaiga mo i latou ua vaevaeina ona o tulaga o ituaiga tagata, tulaga o gagana, aemaise o lagona fa'ale-vā o malo.

Fa'apotopotoga: Fa'amagalo mai i matou ma ia fa'afouina o matou loto ma o matou mafaufau.

Ta'ita'i #3: Fetalai Iesu, "E te fia malolo ea?"

Fa'apotopotoga: Ua tatou fa'aaogaina le tele o mea e fai ma alofaga e taumafai ai ina ia aua nei faia ni suiga. Le Atua e, ia e alofa mai, ia fa'atumauiina lo matou fia saili atu mo se fa'amalologa aemaise mo so matou fa'amagaloga. Le Alofa tunoa e, fa'afofoga maia.

Ta'ita'i #1: Tu'uina atu lenei avanoa mo talosaga o le fa'atoesega leleoa mo le tagata lava ia. (*Brief moment of silence*)

Ta'ita'i #2: “Vivii atu outou i le Alii, auā e lelei lava o ia; auā e fa'avavau lava lona alofa. Amuia i latou o e tausi i le fa'amasinoga, o e fai le amiotonu e le aunoa” (Salamo 106: 1,3).

PESE.....

O LE TUSI MAI ZIMBABWE:

Uo e, a'o tatou iai i le ala o le amiotonu, seia o tatou mafaufau ma tu'uina atu i luma o le Atua a tatou tala mo le lalolagi. E eseese le mea e o mai ai tagata o le matou atunuu, ma, e umi se fa'amatalaga e uiga i la matou tala fa'asolopito, mai lava le faigamalo o le Zimbabwe le Sili, e o'o mai lava i lenei vaitaimi.

O le tele ia o tala e ao ona fa'amatalaina. Sa matou finau mo le fa'asaolotoina o i matou mai puleaga fa'a-kolone, ona matou finau lea mo le fa'amaopoopoina o se malo e ta'ita'iina e ta'ita'i o le matou atunuu o e ua agava'a e tusa ma se filifiliga a tagatānu'u o le matou atunu'u. Ae peita'i ane, sa matou fetaia'i ma fa'afitauli fa'apolokiki i le matou faiga palota a le atunuu i tausaga ua mavae atu. O loo fa'atuai lava le taumafaiga mo itu uma ina ia mafai ona fefa'asoa'i mo le amiotonu ma ia maua le agaga o le fa'alelei.

O lagona aafia o tagata Zimbabwe ona o feeseeseaiga fa'a le militeri o loo olaola pea ma afaina ai le fa'apotopotoga o tagata o Zimbabwe. Mai le tausaga 2017, o loo feagai pea le malo o Zimbabwe ma suiga. O tagata ta'ito'atasi, o mafutaga soofa'atasi, o ekalesia o loo galulue malosi i le fa'alauiloaina o se suiga malie ma le filemu mo Zimbabwe. O le faiga palota o le 2018, sa molimauina ai le to'atele o tagata palota talavou ma i latou fa'atoa o ane e fai a latou palota. Sa matou o lava ma le filemu e fai a matou palota. E ui lava i lo matou molimauina ma fa'alogoia le lē maua o se filemu i nisi o tagata, ae sa tatalo pea mo le a'oa'oina o i matou ina ia avea i matou ma e fa'atupuina le filemu, ma matou tutu malosi mo le fa'aleleiga o le matou atunuu.

Ua matou mautinoa le iai o e ua leai ni galuega i le matou atunuu. Ua matou iloa le faigata o le tausiga o matou aiga. O le tele o aiga o loo nonofo i nofoaga maotua, o loo ta'ita'iina e tina ua leai ni mea ai e fafaga ai o latou aiga. Ua tuua e tamaloloa o latou aiga ma o atu e saili ni latou galuega i nofoaga i le taulaga, o tupulaga talavou o tama ma teine ua saili i atunuu lata ane po o nisi fo'i itu o le lalolagi e saili galuega ai. Ua avea le tuua o Zimbabwe ma auala ua atili ai le faigata o le olaga i Zimbabwe.

Ua tele lava tala le lelei ua matou fa'alogoina e fa'ataata i lo matou atunuu. Ae peita'i ane, e mafai lava ona matou suia ma tumau pea le lotomimita mo lo matou atunuu o Zimbabwe. E ui lava i le iai pea ole sauāina i totonu o aiga, ae taūa i a'i matou lo matou aganu'u aemaise le mafutaga vavalalata o aiga. Ua fa'ateleina le fa'alauiloaina o le 'aiā tutusa o tagata (tamā ma tinā) ua iai fo'i tulafono e puipui ai le itupā o tinā mai sauāga.

Afai na'o tinā, o le latou lava matafaioi o le vaaiga lea o tamaiti e mana'omia le fesoasoani fa'apitoa. E itiiti lava 'aoga mo fanau e mana'omia le fesoasoani fa'apitoa. E ui i lea, o le tele o 'aiga o loo ta'ita'iina e fanau ua maliliu uma o latou matua ona o le fa'ama'i o HIV/AIDS.

O le to'atele o nisi o loo matou mafuta fa'ataasi e mana'omia le fesoasoani lautele, e mana'omia ni 'aoga fa'ata'ita'i, e mana'omia le a'oa'oina, aemaise o le a'oa'oina i le fa'atumauina o le atina'e o le malo. O le to'atele o tagata faitauina o Zimbabwe o tagata Kerisiano, o le ala lea matou te tatalo ai pea mo le faia o le amiotonu i totonu o ekalesia ma totonu o le matou atunuu. Ona o i matou o ni tinā Kerisiano, matou te fia faia pea nisi mea e tele e pei o e na muamua ia i matou. Latou o e sa malosi lo latou iloiloaina ma le silafiaina o mana'oga a tinā ma fanau.

I le alofa tunoa o le Atua, o loo matou taumafai ai pea e mulimuli i o latou ala. "O le gutu o le tagata amiotonu e tautala lea i le potu, e tautala fo'i lona laulaufaiva i le fa'amasinoga." (Salamo 37: 30)

Fa'apotopotoga: Amene

PESE.....

FAITAUINA O LE TUSI PAIA:

**Filifili pe faitau le Tusi Paia, pe fa'atino le tala pu'upu'u, po o mea uma e lua*

TUSI FAITAU/TALA PU'UPU'U - Ioane 5:2-9a

FA'AMATALA: O mai ia i lenei vai, o le vai e maua ai le fa'amalologa. (Alu ane le tagata muamua i le vai taele, o se tagata ua fia maua se fa'amalologa).

Tagata ma'i: (Valaau atu le tagata ma'i) Fa'amolemole, fesoasoani mai.

(Alu ane le tagata muamua fufulu ona lima i le vai taele, ona alu lea e nofo i lalo e aunoa ma se fesoasoani e tuuina atu i le tagata ma'i o loo valaau ane).

FA'AMATALA: O totonu o lenei vaitaele e maua ai le fa'amalologa! (Alu ane le tagata lona lua aga'i le taelega e aunoa ma le fesoasoani atu i le tagata ma'i)

Tagata ma'i: Fa'amolemole fesoasoani mai, e le mafai ona ou o'o atu i le taelega, fesoasoani mai fa'amolemole!

(Uma ona fufulu lima o le tagata lona lua i totonu o le vai alu ane nofo i le isi pito)

FA'AMATALA: Afai e mana'omia se fa'amalologa, ina sau ia i lenei vai e te malolo ai!

(Alu ane le tagata lona tolu aga'i le taelega e aunoa ma le fesoasoani atu i le tagata ma'i)

Tagata ma'i: Fa'amolemole lava, ua mana'omia lava se fesoasoani, ua ou fia maua lava se malologa. E mafai ona e fesoasoani mai?

(Alu ane fo'i le tagata lona tolu fufulu ona lima i le vai ma alu ane nofo i le isi pito)

Iesu: E te fia malolo ea?

(A'o fai le tautalaga lea, o loo gasolo ane pea le toatele o tagata i le taelega)

Tagata ma'i: Le Alii e, o a'u ea?

Iesu: Ua e fia malolo?

Tagata ma'i: Oi, ioe, fa'amolemole. Ua tele o tausaga o loo o'u iai pea iinei, e leai lava se tagata na te tu'uina ifo a'u i le taelega. Leai lava se isi seia fesoasoani mai. Pe mafai lava ona e fesoasoani mai?

Iesu: Tu ia i luga, ave ia lou moega, ma ia e savali.

Tagata ma'i: E le mafai ona ou savali, o le mafuaga lena o lo'u iai pea iinei. Pe mafai ona e fesoasoani mai ina ia ou o'o atu i le taelega?

Iesu: Ina tu ia i luga, ave ia lou moega, ma ia e savali.

Tagata ma'i: *(Tu lemu ane lava i luga, fa'agaoioi ona vae peiseai o se tagata fa'atoa iloa ona savali)* Ua e fa'amaloloina a'u! O oe, ae le o le taelega ua ou malolo ai!

Iesu: O lou fa'atutua ua e malolo ai. Ina ave ia o lou moega ma ia e manatua le mea na taofia ai oe i le tuana'i. Alu atu ia i le lumana'i, ma ta'uta'u atu i tagata uma le fa'amaloloina o oe.

FA'AMATALA: Pe e te finagalo ea e fa'amalolo oe? Ina tuu atu ia o ou manaoga i le Alii. Ta'u atu i le Atua ou mafatiaga, ou fa'anoanoaga ta'u atu i le Alii mea uma o loo e tiga ai. Lafo uma ou avega mamafa i le Atua, o ia tatou te malolo ai.

LAUGA....

PESE....

TA'UTINOGA

Ta'ita'i #2: Seia o tatou fa'amasani i le malosi uiga ese o le ata lenei i le va o Iesu ma le tagata ma'i. Ou te valaau atu seia punou mai lou ao.

Ta'ita'i #1: Ua fetalai atu ia te ia, “E te fia malolo ea?”

Fa'apotopotoga: Ioe! O lea lava!

Ta'ita'i #2: Ona fetalai atu lea o Iesu, “Ina tu ia i luga, ave ia lou moega, ma ia e savali.”

(Ia tula'i uma i luga le fa'apotopotoga)

Tama'ita'i #1: O le Atua o le Alofa lava Ia. Ia fa'atumuina o tatou loto i le alofa! *(laei le ofu lanu mumu)*

Tama'ita'i #2: O Iesu o le Perenise o le Filemu. Ina sii a'e o tatou moega i luga, ma ia *(laei le ofu lanu pa'epa'e)* iai le filemu ia i tatou uma.

Tama'ita'i #3: Na fa'afouina e le Atua mea uma. Ua fa'afouina i tatou uma e ala ia Iesu *(laei le ofu lanu samasama)* Keriso. Ia tatou savavali aga'i i se olaga fou, se olaga ua fa'afouina.

Fa'apotopotoga: Amene! Aleluia!

AOINA LE FOA'I

Ta'ita'i #3: Tatalo mo le Foa'i

TATALO O LE FA'AFETAI

Tagata Faitau #1: O mai ia, seia o tatou o atu fa'atasi ma le atunuu o Zimbabwe i luma o le Atua i le agaga o le fa'afetai. Ina tula'i ia ma tatou savavali atu i le alofa le fa'atuaioia o le Atua.

Fa'apotopotoga: Mai le tulimanu o lenei itu o le lalolagi, matou te tutula'i ma savavali atu.

Tagata Faitau #2: Le Atua e, ia fa’auau pea au fa’amanuiaga mo i matou. Ia tumau mai lau puipuiga mo i matou, aemaise ia matou maua pea le ola ma le malosi mai lau Afio. Ia fa’amanuia mai i o matou laueleele ma fanua, ia fa’atumanuia le fa’asusuina e timuga, ina ia fa’atumanuia ai lona lelei.

Fa’apotopotoga: Le Atua e, o i matou o tausimea mo lau foafoaga.

Tagata Faitau #3: Matou te lagona le loto fa’avauvau ona o nisi o matou uso ua tu’ua lo matou atunuu, matou te tatalo mo lau puipuiga ma ia foa’i atu le soifua maloloina ia te i latou.

Fa’apotopotoga: Fesoasoani mai ma ia a’oa’oina i matou ina ia iloa ona alofa o le tasi mo le tasi.

Tagata Faitau #4: Matou te tatalo mo fa’apotopotoga ma tinā, o e o loo nonofo ma le matata’u ona o sauāga i totonu o aiga aemaise o atunuu.

Fa’apotopotoga: Foa’i mai ia te i matou le poto ma le agamalua, ina ia avea ai i matou ma e tausia le filemu.

Tagata Faitau #5: Le Atua e, matou te fa’afetai ona o matou Tina o le tuana’i mo le Aso Tatalo o le Lalolagi (Zimbabwe). Fa’afetai i lo latou loto tetele ma le galulue malolosi i le a’oa’oina o fa’apotopotoga i le tatalo, ma le a’oa’oina i le alofa aemaise o le loto fa’amagalo.

Fa’apotopotoga: Ia fa’atumanuia le avea pea o i matou o ni tina loto tetele i totonu o matou nu’u ma atunu’u.

Tagata Faitau #6: Seia o tatou tatalo fa’atasi i le tatalo a le Alii, “*Lo matou Tama e, o i le lagi,....*”

PESE.....

TATALO FAAI’U

Ta’ita’i #1: “Amuia ē fa’atupuina le filemu, auā e ta’ua i latou o atalii o le Atua.”

Ta’ita’i #2: Ina o atu ia ma le filemu, auauna atu i le lalolagi i le suafa o le Atua le Tama, le Alo ma le Agaga Paia.

Ta'ita'i #3: “Ina tu ia i luga, ave ia lou moega, ma ia e savali.”

Fa'apotopotoga: AMENE!

SU'ESU'EGA O LE TUSI PAIA

Tusi Faitau: Ioane 5: 2-9a

O le autu mo le sauniga o le Aso Tatalo o le Lalolagi, ua saunia e tinā mai Zimbabwe, o le tala o loo i le Evagelia a Ioane e pei ona iai le tatou tusi faitau. O loo iai nisi o auala ua tu'uina mai e lenei sailiga o le Tusi Paia e fa'alototele ma fa'amalamalama atili i o tatou manatu ma mafaufau le Upu a le Atua mo i tatou i lenei lava aso.

Muamua: O le faitauina o le Tala

Tatou amata i le Tusi faitau, Ioane 5: 2-9a. Ina ia goto ifo i manatu ma mafaufau uiga o lenei tala, e ao lava ona fa'atele le faitauina o lenei tusi faitau. Ia fesuisuia'i fo'i le faitauina. E mafai ona fa'apea atu lē o loo ta'ita'iina lenei su'esu'ega i e o loo aofia, ina ia faitau le tagata lava ia e aunoa ma se leo, a mae'a ona faitau fa'atasi lea. Afai fo'i e lua pe tolu ituaiga lomiga o loo iai, manaia fo'i ae faitau.

Ia tu'uina atu se avanoa e fa'amatalaina ai pe fa'atinoina ai le tala e tusa ma le iloa sa faitauina ai le tusi faitau. E mafai ona fa'aaogaina fesili nei e lima, e fesoasoani ai i le fa'atinoina ma le fa'amatalaina o le tala: “O anafea na tupu ai le tala?” “O fea sa tupu ai le tala?” “O ai o loo taua i le tala?” “O le a le mafuaaga o le tala?” Ma le fesili, “O le a le mea na tupu?”

Ia tuuina atu le avanoa e fa'aopoopo ai ni manatu ina ia fa'amanino atili ai lagona mo lenei tala. Afai e iai ni fesili, fa'amau ma tusitusi mo se taimi o muamua ona maua lea o le avanoa e fefa'asoa'i ai pe a mae'a lelei le vaega muamua o le su'esu'ega.

Lua: Ia malamalama i le Tala

Tatala le avanoa e fa'ailoa ma fa'amatala ai se malamalamaaga o loo iai e uiga i fesili e lima e pei ona tuuina atu i luga.

Tala 'Oto'oto:

O le tala ua fai nei ma autu, o le vavega, ina ia malamalama atili i le atoaga o lenei tala e ao lava ona fa'auau le faitau i le fuaiupu 18. O le mataupu e 5 o le Evagelia a Ioane o loo talanoa e uiga i le vavega sa fa'atinoina i Iesu

i le aso sapatu a Iutaia, aemaise o le feeseeseaiga i le va o Iesu ma tagata Iutaia. E ui i lea, o le fa'amamafa mo le Aso Tatalo o le Lalolagi 2020 o le feiloaiga a Iesu ma le tagata sa ma'i mo le 38 tausaga.

Ua taunuu ane Iesu i Ierusalem a i le vaitau o aso fiafia o le tausamiga o Iutaia. O loo manino i le tusi faitau le fa'ataatiaga o le mea sa tupu ai le tala. O loo fa'apea mai ai, "*o loo Ierusalem le taelega e latalata i le faitotoa mamoe,*" le taelega e o atu ai ē o loo maua i gasegase eseese mo le fa'amaloloina. I nisi o fa'aliliuga o le Tusi Paia o loo fa'amatala 'auiliili mai ai le fa'amalologa mo lē ua muamua ifo, ina ua gaepu le vai ma malolo ai.

O i latou o e sa latalata ane i le taelega i Petesa sa talitonu o le fa'amalologa e mai le vai, ma o le talitonuga fo'i lena sa iai i le tagata lea ua 38 tausaga o fa'agasegasea. Peita'i ane, e le i mafai ona ia tauave lona tino na'o ia, i lea taelega ina ia fa'amaloloina ai o ia. Sa nofo fa'atalitali pea i lona moega/fala mo se avanoa e o'o ai i le vai. O le a le uiga o lea mea? E foliga mai o se tagata e fa'a'esea, se tagata ua le maua sē e fesoasoani ina ia fa'amaloloina, se tagata ua leai se malosia o iai. Masalo o le mafuaaga fo'i lena ua tu'uina atu ai e Iesu lena fesili e ona suia ai lona olaga, "*E te fia malolo ea?*"

O le a se fa'amatalaga e fa'atautu ia Iesu i lea feiloa'iga? O le fa'atinoina o le feiloa'iga, sa faia ma le alofa. O Iesu Keriso ua loa ona feagai ma tagata puapuagatia, o lona loto maualalo sa ia fa'alogologo ai e aunoa ma se fa'amasino atu. Sa ia tuuina atu le avanoa i le tagata ma'i.

O le a se fa'amatalaga e fa'atautu i le Atua i lea feiloaiga? E tolu veape sa fa'aaogaina e Iesu ina ia mafai ai e le tagata lea sa ma'i mo tausaga e 38 ona lagona le **alofa o le Atua**: "*Inā tu ia i luga, ave ia lou moega, ma ia e **savali**.*" O nei veape, e a'oa'o mai ia te i tatou ina ia 'auna ne'i o tatou fefefe e fa'atino le Upu a le Atua. O lo'o tuuina mai pea e le Atua avanoa mo ni suiga e ao ona tatou fa'atinoina, e le gata o ni suiga mo oe lava ia, a o ni suiga mo le lelei o le lautele o le atunuu. O le talanoaga a Iesu ma le tagata ma'i, na te avatuina i tatou i tua atu o le fa'amalologa fa'aletino.

Tolu: Fa'alogologo i le Upu a le Atua

O loo olaola lelei le Upu a le Atua i totonu o mea o loo o tatou o nonofo ai nei. Aumai le tala o loo fa'amatalaina i le Ioane e 5 e saili ai ni lagona ma fa'atusatusa ni manatu mai le vaitaimi ua tuana'i ma le taimi nei o le au fa'alogologo, aemaise le fa'aaogaina i le Aso Tatalo o le Lalolagi i le tau sailia lea o se fa'aleleiga ma le filemu.

Afai e iai ni fesili, e mafai ona fefa'asoa'i i le taimi lena.

O le atunuu o Zimbabwe sa feagai ma le tele o sauāga fa’apolokiti, o loo olaola ai pea lagona tiga ma le mafatia o tagatānuu e o’o mai lava i le taimi nei. O loo tau saili lava auala mo se fa’aleleiga. E iai nisi o loo fa’apea, e maua le fa’aleleiga pe a maua le loto fa’amagalo. A o si ona pona, e le maua pe a na ona tautala ai ae le fa’atino. E ao ona talia tiga ma mafatiaga ma taumafai e fofu ia lagona. E ao fo’i ia i latou o e na fa’atupuina ia lagona ona ta’utino o latou leaga ma fa’atoese. E ao ona fa’alogo ma le manino le isi i le isi. O le filemu e amata ia te oe ma a’u. O le vaega taua e fausia ai ma maua ai le filemu, o le “alofa”. O se mea o loo iai le fa’aleleiga o iina fo’i o i ai le filemu.

O loo iai le talitonuga i le tala fa’asolopito o Zimbabwe, o le filemu ma le fa’aleleiga o le manumalo lea mai aafiaga o lagona mai mafatiaga fa’ale-militari. I le vaitaimi o le faiga palota o le 2008, sa tula’i mai ai nisi o feeseesea’iga, ma ua fa’asagatonu ai sauāga i le itupā o tinā. O le amiotonu, loto fa’amagalo, o le salamo – o nisi nei o auala sa fa’aaogaina e taumafai ina ia maua se leleiga i fa’afitauli ua tula’i mai. Sa ‘au fa’atasi le tele o tagatānu’u o Zimbabwe e puipui ma fa’atupu le filemu. Sa galulue ekalesia ma fa’apotopotoga i nisi o auala, e ala i le fa’atupula’ia o fa’aילו fa’atautu i le tausia o le filemu. O nisi o auala o le a’oa’oina o tagata e puipui i latou mai sauāga matuia.

E fa’apefea ona tatou fa’amatalaina le tala i le taelega i Petesa mai le vaaiga a Iesu? O le fa’aילו o lo’o ta’ua i le tala o le “moega” po o le “fala”. E ui i le maua i le tino ma’i, a’o le moega/fala sa taoto ai le tagata gutupoto. Ina ua uma le feiloaiga ma Iesu, ua avea lona moega/fala ma fa’amanatu ia te ia i lona fa’amaloloina.

O loo fa’alototele mai Iesu ia i tatou, e fa’amaloloina i tatou ina ia tatou faia ni galuega lelei mo le suiga ua ofoina mai e le Atua mo i tatou, tu ia i luga ma ave lou moega (po o le a fo’i le mea o loo ia te oe) ma savali. Ua fa’alototele mai Iesu ia tatou filifili ina ia fa’amaloloina, ia fa’aatoatoaina i la le tino, mafaufau ma la i le agaga.

Afai ua fa’amaloloina ma fa’aatoatoaina i tatou, ua fa’apena fo’i ona fa’afouina, o oe ia te oe, ua fa’afouina i le va feagai ai ma lou aiga, nu’u, atunuu aemaise le feagai ai ma le Atua. Afai ua fa’amaloloina ma fa’afouina i tatou, e mautinoa lava o loo iai le alofa, afai o loo iai le alofa ia te i tatou, o iina ua mafai ai ona tatou savavali i le filemu. O lea, ***“Ina tu ia i luga, ave ia lou moega, ma ia e savali.”***

Nisi o fesili e fefa'asooa'i ai:

1. E iai se vaega o lou olaga, po se vaega o lou nu'u/malo e ma'omia ai le fa'aleoina o le fesili lenei a Iesu, "*E te fia malolo ea?*" Afai o se vaega o loo a'afia i ni taua, misa, ma ni sauāga matuiā, e mafai ona toe fa'aupu le fesili fa'apea, "*E te fia maua le filemu?*"

2. O a ni mafuaaga po ni mea o loo taofia ai le fa'atupuina o se suiga lelei mo se filemu? Afai o se nofoaga o loo aafia i ni sauāga matuiā, o a ni mafuaaga e le mafai ai ona fausia se fa'aleleiga ma maua ai le filemu?

Ia fautuaina le iloa ma maitau lelei o lenei fa'aupuga, "*Ina tu ia i luga, ave ia lou moega, ma ia e savali.*" A'o le a fo'i se a'oa'oga mo oe ma lou siomaga? Ia fefa'asooa'i i ni auala e mafai ai ona fa'aogaina lenei faitau taūa a Iesu. Pe mafai ona fa'aauaua e ala i le alofa, o le faia o se fa'aleleiga aemaise o le maua o le filemu i totonu o aiga, galuega, ekalesia, nuu, malo ma le atunuu?

A mafai ma lava se taimi, ia tu'u atu se avanoa mo vaega ta'itasi e fa'atino ai lenei su'esu'ega e ala i se tala pu'upu'u (skit) e fa'atatau i faitau nei e lua: "*E te fia malolo ea?*" ma le "*Ina tu ia i luga, ave ia lou moega, ma ia e savali.*" E le tataua ona tutusa le tala pu'upu'u (skit) e fa'atino ma le tala lea e aumai i totonu o le Tusi Paia (Ioane 5:2-9) Ae ia fa'aogaina faitau nei e lua, e fa'atusatusa i nei ona po, i le tulaga o le alofa, filemu ma le faia o le fa'aleleiga i totonu o lou aiga, nuu, galuega, ekalesia, malo ma le atunuu.

TATALO FAAI'U

Le Atua o le Filemu, matou te tatalo mo tagata uma, e ui i ni feeseesegaiga fa'ale-malo, fa'ale-lotu, aemaise o ni feeseesea'iga fa'alau'itele, e ao lava ona matou maua le alofa, maua le filemu, ma ia tumau le fa'aleleiga i le va o le tasi i le tasi. Matou te tatalo mo 'aiga ua malepelepe ina ia toe maua se leleiga. Matou te tatalo ina ia maua le nofo malu puipua o tinā uma, ma ia maua e tagata uma le agaga o le tausia o le filemu. I le suafa o le Perenise o le Filemu, o Iesu Keriso, matou te tatalo atu ai, Amene.

TALA O LE TUPE
Mafutaga Aoao a Tina EFKAS
Aso Tatalo o le Lalolagi – Mati 2019

	MATAGALUEGA	Lafoga Lotu Tatalo	Lafoga Sene	Aofa'i Pulega	Aofa'i MTG
I	MATAGALUEGA MANU'ATELE				\$ 4,897.00
	Pulega Fale-Ta'u	\$ 3,400.00	\$ 227.00	\$ 3,627.00	
	Pulega Fale-Luanuu	\$ 1,215.00	\$ 55.00	\$ 1,270.00	
II	MATAGALUEGA SASA'E				\$ 8,767.00
	Pulega Saole	\$ 3,000.00	\$ 17.00	\$ 3,017.00	
	Pulega Sua	\$ 2,600.00	\$ -	\$ 2,600.00	
	Pulega Vaifanua	\$ 3,000.00	\$ 150.00	\$ 3,150.00	
III	MATAGALUEGA TUTOTONU .				\$ 11,504.77
	Pulega Fagaloa	\$ 4,870.00	\$ -	\$ 4,870.00	
	Pulega Ituau	\$ 6,160.00	\$ 474.77	\$ 6,634.77	
IV	MATAGALUEGA SISIFO				\$ 14,895.21
	Pulega Fofu & Alataua	\$ 2,200.00	\$ 545.21	\$ 2,745.21	
	Pulega Tualatai, & Aitulagi	\$ 3,450.00	\$ 0	\$ 3,450.00	
	Pulega Tualauta & Leasina	\$ 8,700.00	\$ -	\$ 8,700.00	
V	MATAGALUEGA HAWAII				\$ 3,695.00
	Pulega Hawaii Sasa'e	\$ 1,817.00	\$ 203.00	\$ 2,020.00	
	Pulega Hawaii Sisifo	\$ 1,550.00	\$ 125.00	\$ 1,675.00	
VI	MATAGALUEGA KALEFONIA SAUTE				\$ 3,110.00
	Pulega LA Matu	\$ 1,000.00	\$ 110.00	\$ 1,110.00	
	Pulega LA Saute	\$ 1,000.00	\$ -	\$ 1,000.00	
	Pulega San Diego/Oceanside	\$ 1,000.00	\$ -	\$ 1,000.00	
VII	MATAGALUEGA A KALEFONIA MATU				\$ 2,330.00
	Pulega Santa Clara	\$ 2,330.00	\$ -	\$ 2,330.00	
	Pulega San Francisco	\$ -	\$ -		
VIII	MATAGALUEGA AMERIKA MATU SISIFO				\$ 2,875.00
	Pulega Seattle	\$ 1,100.00	\$ -	\$ 1,100.00	
	Pulega USO	\$ 1,260.00	\$ 515.00	\$ 1,775.00	
IX	MATAGALUEGA ALASKA				\$ 2,100.00
	Pulega Alaska I Matu	\$ 1,100.00	\$ -	\$ 1,100.00	
	Pulega Alaska I Saute	\$ 1,000.00	\$ -	\$ 1,000.00	
X	MATAGALUEGA NIUSILA MA AUSETALIA				\$ 1,783.00
	Pulega Niusila Aukilani	\$ 583.00	\$ -	\$ 583.00	
	Pulega Ueligitone	\$ 600.00	\$ -	\$ 600.00	
	Pulega Ausetalia	\$ 600.00	\$ -	\$ 600.00	
XI	MAFUTAGA FAAMISIONARE				\$ 1,121.00
	Faletua Seminare Kanana Fou	\$ 721.00	\$ -	\$ 721.00	
	El Paso Texas	\$ 400.00	\$ -	\$ 400.00	
	AOFA'IGA	\$54,656.00	\$2,421.98	\$57,077.98	\$57,077.98

Lisi o Pulega i Matagaluega ma latou Lafoga
Aso Tatalo o le Lalolagi – Mati 2019

<u>MATAGALUEGA</u>	<u>Lafoga</u>	<u>Sene</u>	<u>MATAGALUEGA</u>	<u>Lafoga</u>	<u>Sene</u>
MATAGALUEGA MANU'ATELE			MATAGALUEGA SISIFO		
Pulega Fale-Ta'ū			Pulega Alataua		\$ 545.21
Fitiuta	\$ 1,000.00	\$ 70.00	Leone	\$ 430.00	
Ta'Ū	\$ 1,000.00	\$ 85.00	Amaluia	\$ 325.00	
Faleasao	\$ 1,400.00	\$ 72.00	Asili/Afao	\$ 195.00	
Pulega Fale-Luanuu	\$ 1,215.00	\$ 55.00	Nua & Seetaga	\$ 415.00	
MATAGALUEGA SASA'E			MATAGALUEGA KALEFONIA SAUTE		
Pulega Saole	\$ 3,000.00	\$ 17.00	Amanave	\$ 245.00	
Pulega Sua	\$ 2,600.00	\$	Poloa	\$ 265.00	
Pulega Vaifanua		150.00	Fagalii	\$ 205.00	
Aoa	\$ 600.00		Fagamalo	\$ 120.00	
Alao	\$ 600.00		Pulega Tualatai, & Aitulagi		\$ -
Tula	\$ 600.00		Taputimu	\$ 1,500.00	
Vatia	\$ 600.00		Malaeloa	\$ 1,000.00	
Onenoa	\$ 600.00		Futiga	\$ 600.00	
MATAGALUEGA TUTOTONU			MATAGALUEGA HAWAII		
Pulega Fagalao		\$ -	Pulega Tualauta & Leasina		\$ -
Utulei	\$ 1,050.00		Ili'iili	\$ 1,700.00	
Aua	\$ 840.00		Aoloau	\$ 1,000.00	
Faga'alu	\$ 1,000.00		Faleniu	\$ 2,000.00	
Fagatogo	\$ 500.00		Vaitogi	\$ 2,000.00	
Gataivai	\$ 200.00		Pavaiai	\$ 1,600.00	
Atuu	\$ 580.00		Aasu	\$ 400.00	
Pago Pago	\$ 600.00		MATAGALUEGA ALASKA		
Falema'i	\$ 100.00		Pulega Alaska I Matu	\$ 1,100.00	
Pulega Ituau		474.77	Pulega Alaska I Saute	\$ 1,000.00	
Petesa- Uta	\$ 1,150.00				
Petesa -Tai	\$ 800.00		MATAGALUEGA A KALEFONIA MATU		
Matuu & Faganeanea	\$ 1,050.00		Pulega LA Matu	\$ 1,000.00	\$ 110.00
Fagasa	\$ 1,145.00		Pulega LA Saute	\$ 1,000.00	\$ -
Talalelei Ole Faaolata	\$ 215.00		Pulega San Diego/Oceansi	\$ 1,000.00	\$ -
Nu'uuli	\$ 1,100.00		MATAGALUEGA AMERIKA MATU SISIFO		
Ierusalem Fou	\$ 300.00		Pulega Santa Clara	\$ 2,330.00	
Ma'ama'a	\$ 300.00		Pulega San Francisco	\$ -	
Falepuipui	\$ 100.00		MATAGALUEGA NIUSILA MA AUSETALIA		
MATAGALUEGA ALASKA			MATAGALUEGA NIUSILA MA AUSETALIA		
Pulega Alaska I Matu	\$ 1,100.00		Pulega Seattle	\$ 1,100.00	\$ -
Pulega Alaska I Saute	\$ 1,000.00		Pulega USA	\$ 1,260.00	515.00
			MATAGALUEGA NIUSILA MA AUSETALIA		
			Pulega Ueligitone		
			Wainuiomata	\$ 300.00	
MAFUTAGA FAAMISIONARE			Porirua	\$ 300.00	
Faletua Seminare Kanana	\$ 721.00		Pulega Ausetalia	\$ 600.00	
El Paso Texas	\$ 400.00				

Tu'ufaatasiga o Tupe Maua ma Tupe Fa'aoga Lotu Aso Tatalo o le Lalolagi 2019

Paleni Tauave mai ia Ianuari 2019			\$ 148,461.84
Lafoga 2019 (Mati 2019)		\$ 54,656.00	\$ 203,117.84
Foa'i Sene 2018 (Mati 2019)		\$ 2,421.98	\$ 205,539.82
Foa'i mo le Falema'i LBJ		\$ 5,000.00	\$ 200,539.82
Foa'i mo le Red Cros Am. Samoa		\$ 2,000.00	\$ 198,539.82
Foa'i mo Kanana Fou Seminary		\$ 5,000.00	\$ 193,539.82
Foa'i mo Hope House Fatu-o-Aiga		\$ 1,000.00	\$ 192,539.82
Mealofa mo le High Sch KF		\$ 10,000.00	\$ 182,539.82
Debit memo and bank fees		\$ 27.35	\$ 182,512.47
Paleni a le Bank ia Ianuari 2020			\$ 182,512.47
World Day Prayer (E le'i kilia le siaki I le Bank ia Ianuari)		\$ 1,000.00	\$ 181,512.47
Paleni I Tusi Faamaumau a le Mafutaga ia Ianuari 2020			\$ 181,512.47


 Tava Niualama Taifane TK, Teutupe
 Mafutaga Aoao a Tina EFKAS



CCCAS Tautua Printing Press
 1 Kanna Fou St., PO Box 1537
 Pago Pago, AS 96799
 (684) 699-9810 / <https://efkasonline.org>